

四分律藏

卷六

三百卅一  
下六

50061



元祿九年丙子二月日重修

皇國聖蹟

佛日增輝 轉輪常轉

山城州天安寺法金剛院置



四分律藏卷第六

姚秦罽賓三藏佛陀耶舍共竺佛念等譯

初分

今時佛在舍衛國祇樹給孤獨園世尊聽諸  
比丘持三衣不得長時六群比丘畜長衣或  
早起衣或中時衣或晡時衣彼常經營莊嚴  
如是衣服藏舉諸比丘見已語六群比丘言  
佛聽持三衣不得長此是誰衣荅曰是我等  
長衣諸比丘聞其中有少欲知足行頭陀樂  
學戒知慚愧者嫌責六群比丘言如來聽持  
三衣汝等云何畜長衣早起衣中時衣晡時  
衣諸比丘即往至世尊所頭面禮足在一面

下

坐以此因緣具白世尊世尊亦時以此因緣  
集比丘僧以無數方便呵責六群比丘汝所  
爲非非威儀非淨行非隨順行所不應爲云  
何六群比丘如來聽持三衣汝等畜長衣以  
無數方便呵責已告諸比丘六群比丘癡人  
多種有漏處最初犯戒自今已去與比丘結  
戒集十句義乃至正法久住欲說戒者當如  
是說若比丘畜長衣者尼薩耆波逸提如是  
世尊與比丘結戒時阿難從人得一貴價真  
掃衣欲以奉大迦葉大迦葉常頭陀著此衣  
故迦葉不在阿難作是念世尊與諸比丘結  
戒若比丘畜長衣者尼薩耆波逸提我今得

此貴價糞掃衣欲以奉大迦葉迦葉常頭陀  
著此衣而不在不知云何即往至佛所頭面  
禮足在一面立白佛言世尊與諸比丘結戒  
若比丘畜長衣尼薩耆波逸提我今得一貴  
價糞掃衣欲以奉上大迦葉迦葉常頭陀著  
糞掃衣佛問阿難迦葉何時當還阿難白佛  
言却後十日當還世尊以此因緣集比丘僧  
與諸比丘隨順說法無數方便說少欲知足  
行頭陀樂出離法已告諸比丘自今已去聽  
畜長衣齊十日欲說戒者當如是說若比丘  
衣已竟迦絺那衣已出畜長衣經十日不淨  
施得畜若過十日尼薩耆波逸提比丘義如

上衣竟者三衣迦絺那衣已出衣者有十種  
憍賒耶衣劫貝衣欽婆羅衣芻摩衣讖摩衣  
扇那衣麻衣翅夷羅衣鳩夷羅衣讖羅半尼  
衣長衣者若長如來八指若廣四指是若比  
丘一日得衣畜二日得衣乃至十日得衣畜  
至十一日明相出一切尼薩耆若比丘一日  
得衣二日不得三日得衣四日得如是乃至  
十日得衣至十一日明相出九日中所得衣  
盡尼薩耆若比丘一日得衣二日得衣三日  
不得四日得如是轉降乃至十日若比丘一  
日得衣二日三日不得四日得乃至十日得  
衣至十一日明相出自中所得衣盡尼薩

耆若比丘一日得衣二日得衣三日四日不

得五日得如不是轉降乃至九日十日若比丘一

日得衣二日三日四日不得衣五日得衣乃

至十日得衣十一日明相出七日中所得衣

盡尼薩耆若比丘一日得衣二日得衣三日

四日五日不得衣六日得衣如是轉降乃至八日九日十日

不得衣作若比丘一日得衣二日三日四日

五日不得衣六日得衣乃至十日得衣十一

日明相出六日中所得衣盡尼薩耆若比丘

一日得衣二日得衣三日四日五日六日不

得衣七日得衣如是轉降乃至七日八日九日

若比丘一日得衣二日三日四日五日六日

不得衣七日得衣乃至十日得衣至十一日

明相出五日中所得衣盡尼薩耆若比丘一

日得衣二日得衣三日四日五日六日七日

不得衣八日得衣如是轉降乃至六日七日

如亦若比丘一日得衣二日三日四日五日

六日七日不得衣八日得衣乃至十日得衣

十一日明相出四日中所得衣盡尼薩耆

若比丘一日得衣二日得衣三日四日五日

六日七日八日不得衣九日得衣如是轉降

六日七日八日九日十日若比丘一日得衣二

日三日四日五日六日七日八日不得衣九

日十日得衣三日中所得衣至十一日明相



出盡尼薩耆若比丘一日得衣二日得衣三

日四日五日六日七日八日九日不得衣十

日得衣如是轉降乃至四日五日六日七日

若比丘一日得衣二日三日四日五日六日

七日八日九日不得衣十日得衣十一日明

相出二日中所得衣盡尼薩耆若比丘一日

得衣二日得衣三日四日五日六日七日八

日九日十日不得衣如是轉降乃至三日四

衣作句亦如上若比丘一日得衣二日三日

四日五日六日七日八日九日十日不得衣

十一日明相出一日中所得衣盡尼薩耆若比

丘一日得衣不淨施二日得衣淨施三日得

衣乃至十日得衣不淨施至十一日明相出

九日中所得衣盡尼薩耆若比丘一日得衣

二日得衣不淨施三日得衣淨施四日得衣

不淨施如是轉降乃至十日得衣如是若遣

與人如句亦如上若失衣如句亦如上若故壞如句亦如上若作非

衣如句亦如上若作親厚意取如句亦如上若忘去如句亦如上盡

尼薩耆若捨墮衣不捨持更賀餘衣一尼薩

耆波逸提一突吉羅此捨墮衣應捨與僧若

衆多人若一人不得別衆捨若捨不成捨突

吉羅捨與僧時往僧中偏露右肩脫革屣向

上座禮踟跪合掌當作是語大德僧聽我某

甲比丘故畜尔所長衣過十日犯捨墮我今

捨與僧披捨衣竟當懺悔受懺悔人當作白  
然後受懺如是白大德僧聽此某甲比丘故  
畜尔所長衣犯捨墮今捨與僧若僧時到僧  
忍聽我受某甲比丘懺悔白如是作此白已  
然後受懺悔當語彼人言自責汝心荅言尔  
若衆僧多難集此比丘若因緣事欲遠行應  
問言汝此衣與誰隨彼說便與僧即應還此  
比丘衣白二羯磨應如是與僧中當差堪能  
羯磨人如上說作如是白大德僧聽某甲比  
丘故畜尔所長衣犯捨墮今捨與僧若僧時  
到僧忍聽持此衣與彼某甲比丘彼某甲比  
丘當還此比丘白如是大德僧聽此某甲比

丘故畜尔所長衣犯捨墮今捨與僧僧持此  
衣與彼某甲比丘彼某甲比丘當還此比丘  
誰諸長老忍僧持此衣與彼某甲比丘彼某  
甲比丘當還此比丘者默然誰不忍者說僧  
已忍與彼某甲比丘衣竟僧忍默然故如是  
持是比丘於僧中捨衣竟不還者突吉羅若  
還時有人言莫還若突吉羅若作淨施若遣  
與人若持作三衣若作波利迦羅衣若故壞  
若燒若作非衣若數數著壞者盡突吉羅比  
丘尼尼薩耆波夜提式又摩那沙弥沙弥尼  
突吉羅是謂為犯不犯者齊十日內若轉淨  
施若遣與人若賊奪想若失想若燒想若漂

想不淨施不遣與人不犯若奪衣失衣燒衣  
漂衣取著若他與著若他與作彼不犯彼受  
付囑衣者若命終若遠出去若休道若為賊  
強將去若為惡獸所害若為水漂溺如此不  
作淨施不遣與人不犯不犯者最初未制戒  
癡狂心亂痛惱所纏一竟

今時佛在舍衛國祇樹給孤獨園時六群比  
丘持衣付囑親友比丘往人間遊行受付囑  
比丘得此衣數數在日中曬諸比丘見已便  
問言佛聽比丘畜三衣不得長此是誰衣彼  
即荅言此六群比丘衣是我親友寄我遊行  
人間恐垂壞故曬耳諸比丘聞中有少欲知足行頭

隨樂學戒知慚愧者嫌責六群比丘汝等云  
何以衣付囑親友比丘離衣人間遊行嫌責  
已往世尊所頭面禮足在一面坐以此因緣  
具白世尊世尊以此因緣集比丘僧呵責六  
群比丘言汝所爲非非威儀非淨行非隨順  
行所不應爲云何以衣付囑親友比丘離衣  
遊行人間世尊以無數方便呵責已告諸比  
丘六群比丘癡人多種有漏處最初犯戒自  
今已去與比丘結戒集十句義乃至正法久  
住欲說戒者當如是說若比丘衣已竟迦絺  
那衣已捨三衣中若離一一衣異處宿尼薩  
耆波逸提如是世尊與比丘結戒時有一比

丘有乾癆病有糞掃僧伽梨患重此比丘有  
因緣事欲遊行人間不堪持行自思念言世  
尊與比丘結戒不得離衣宿離衣宿尼薩耆  
波逸提而我今乾癆病有糞掃僧伽梨極重  
有因緣事欲往人間行不堪持行我今當云  
何即語同伴比丘世尊與諸比丘結戒若比  
丘三衣已竟迦絺那衣已出比丘三衣中若  
離一一衣宿尼薩耆波逸提而我得乾癆病  
此衣極重有因緣事欲人間行不堪持行我  
今云何諸大德爲我往白世尊世尊有所教  
勅我當奉行時諸比丘往世尊所頭面禮足  
在一面坐以此因緣具白世尊世尊即集諸

比丘僧告言自今已去聽僧與此病比丘結  
不失衣白二羯磨應如是與彼比丘應往至  
僧中偏露右臂脫革屣向上座禮跏跪合掌  
當作是說大德僧聽我某甲比丘得乾癆病  
此糞掃僧伽梨重有因緣欲人間行不堪持  
行我今從僧乞結不失衣法應如是求乃至  
三說僧中當差堪能羯磨人如上作如是白  
大德僧聽某甲比丘得乾癆病有糞掃僧伽  
梨衣重有因緣事欲人間行不堪持行從僧  
乞結不失衣法若僧時到僧忍聽與此比丘  
結不失衣法白如是大德僧聽某甲比丘得  
乾癆病有糞掃僧伽梨衣患重有因緣事欲



人間行不堪持行今從僧乞結不失衣法今  
僧與某甲比丘結不失衣法誰諸長老忍僧  
與某甲比丘結不失衣法者默然誰不忍者  
說僧已忍與某甲比丘結不失衣法竟僧忍  
故默然如是持自今已去當如是說戒若比  
丘衣已竟迦絺那衣已出三衣中離一一衣  
異處宿除僧羯磨尼薩耆波逸提比丘義如  
上說衣已竟者三衣也迦絺那衣已出三衣  
者僧伽梨鬱多羅僧安陟羅會衣者有十種  
如上說僧者一說戒一羯磨不失衣者僧伽  
藍裏有一界失衣者僧伽藍裏有若干界不  
失衣者樹有一界失衣者樹有若干界不失

衣者場有一界失衣者場有若干界不失衣者車有一界失衣者車有若干界不失衣者船有一界失衣者船有若干界不失衣者村有一界失衣者村有若干界不失衣者舍有一界失衣者舍有若干界不失衣者堂有一界失衣者堂有若干界不失衣者庫藏有一界失衣者庫藏有若干界不失衣者倉有一界失衣者倉有若干界僧伽藍者有四種如上樹者與人等足蔭覆跏趺坐場者於中治五穀處車者若車迴轉處船者若船迴轉處村者有四種如上堂者多敞露庫者儲積藏諸車乘輦輿販賣之物倉者儲積米穀僧伽藍

界者此僧伽藍界非彼僧伽藍界此僧伽藍  
界非彼樹界乃至庫藏界非彼庫藏界亦如  
是此樹界非彼樹界乃至庫藏界僧伽藍界  
亦如是此場界非彼場界乃至僧伽藍界樹  
界亦如是餘者作句亦如上僧伽藍界者在  
僧伽藍邊以中人若用石若軛擲所及處是  
名界乃至庫藏界亦如是若比丘置衣在僧  
伽藍內乃在樹下宿明相未出若捨衣若手  
捉衣若至擲石所及處若不捨衣若不手捉  
衣若不至擲石所及處明相出隨所離衣宿  
尼薩耆波逸提除三衣若離餘衣突吉羅若  
比丘留衣著僧伽藍內往場處宿明相未出

若捨衣若應手捉衣若至擲石所及處若不  
捨衣若不至擲石所及處明相出隨所離衣  
宿尼薩耆波逸提乃至庫藏宿一一句亦如  
是若比丘留衣樹下往場處宿乃至庫藏僧  
伽藍處宿亦如是不失衣者若阿蘭若處無  
界八樹中間一樹間七弓遮摩梨國作弓法  
長中肘四肘若比丘無村阿蘭若處留衣著  
此八樹間異處宿明相未出不捨衣不手捉  
衣若不至擲石所及處明相出尼薩耆波逸  
提除三衣離餘衣突吉羅此捨墮衣應捨與  
僧若衆多人若一人不得別衆捨若捨不成  
捨突吉羅捨與僧時當往僧中偏露右臂脫

革屣向上座禮胡跪合掌作是白大德僧聽  
我某甲比丘離衣宿犯捨墮我今捨與僧彼  
捨已當懺悔受懺人當作白然後受懺如是  
白大德僧聽此某甲比丘離衣宿犯捨墮今  
捨與僧若僧時到僧忍聽我受某甲比丘懺  
白如是作此白已然後受懺當語彼人言自  
責汝心彼荅言尔僧應即還此比丘衣白二  
羯磨應如是與僧中當差堪能羯磨人如上  
作如是白大德僧聽某甲比丘離衣宿犯捨  
墮今捨與僧若僧時到僧忍聽持此衣還彼  
某甲比丘白如是大德僧聽此某甲比丘離  
衣宿犯捨墮今捨與僧僧持此衣還彼某甲

比丘誰諸長老忍僧持此衣還彼某甲比丘  
者默然誰不忍者說僧已忍與彼某甲比丘  
衣竟僧忍故默然如是持若僧中捨衣竟不  
還者突吉羅還時若有人言莫還者突吉羅  
若轉作淨施若遣與人若持作三衣若作波  
利迦羅衣若故壞若燒若作非衣若數數者  
壞者盡突吉羅比丘尼尼薩耆波逸提式叉  
摩那沙彌沙彌尼突吉羅是謂為犯不犯者  
僧與作羯磨明相未出手捉衣若捨衣若至  
擲石所及處若劫奪想若失想若燒想若漂  
想若壞想若水道斷路嶮難若賊難若惡獸  
難若渠水漲若強力者所執若繫縛或命難

梵行難若不捨衣不手捉不至擲石所及處  
不犯不犯者最初未制戒癡狂心亂痛惱所  
纏 二竟

尔時佛在舍衛國祇樹給孤獨園時有比丘  
有僧伽梨故爛弊壞自念言世尊與比丘結  
戒衣已竟迦絺那衣已出聽十日內畜長衣  
過者犯尼薩耆波逸提然我此僧伽梨故爛  
弊壞十日中間更不能辦我今當云何即語  
同意比丘言善哉大德爲我白世尊若世尊  
有教我當奉行時諸比丘往至世尊所頭面  
禮足在一面坐以此因緣具白世尊世尊以  
此因緣集諸比丘告言自今已去聽比丘畜

長衣爲乃至滿足故時六群比丘聞世尊聽  
畜長衣爲乃至滿足故彼有糞掃衣及餘種  
衣同者不足取中糞掃衣浣染四角頭點作  
淨持寄親友比丘已人間遊行時受寄比丘  
以其行久不還便出曬之諸比丘見已問言  
世尊制戒聽畜三衣不得過此是誰衣耶報  
言此是六群比丘衣六群比丘作是言世尊  
制戒聽畜長衣乃至滿足而彼有糞掃衣及  
餘種衣同者不足取中糞掃衣浣染四角頭  
點作淨持寄我往人間行恐腐壞故爲曬之  
耳時諸比丘聞中有少欲知足行頭陀樂學  
戒知慚愧者嫌責六群比丘云何言世尊聽



畜長衣爲乃至滿足故而以同衣不足取中  
糞掃衣浣染四角頭點作淨寄親友比丘往  
人間行諸比丘即往至世尊所頭面禮足在  
一面坐以此因緣具白世尊世尊以此因緣  
集諸比丘呵責六群比丘汝所爲非非威儀  
非淨行非隨順行所不應爲云何六群比丘  
世尊聽比丘畜長衣爲滿足故而以同衣不  
足取中糞掃衣浣染四角頭點作淨寄親友  
比丘人間行以無數方便呵責已告諸比丘  
此癡人多種有漏處最初犯戒自今已去與  
比丘結戒集十句義乃至正法久住欲說戒  
者當如是說若比丘衣已竟迦絺那衣已出

若比丘得非時衣欲須便受受已疾疾成衣  
若足者善若不足者得畜一月為滿足故若  
過畜尼薩耆波逸提比丘義如上衣已竟者  
三衣竟迦絺那衣已出時者無迦絺那衣自  
恣後一月若有迦絺那衣自恣後五月非時  
者若過此限衣者十種衣如上若十日中同  
衣足者應裁割若線拼若縫作衣若作淨施  
若遣與人若不裁割縫作衣若不線拼不淨  
施不遣與人十一日明相出隨衣多少尼薩  
耆波逸提若同衣不足至十一日同衣足即  
十一日應裁割縫作衣若線拼若不裁割縫  
作衣若不線拼若不淨施若不遣與人至十

一日明相出隨衣多少盡尼薩耆波逸提如  
是乃至二十九日亦如是若同衣不足三十  
日若足若不足若同衣若不同衣應即日裁  
割縫作衣若線拼若淨施若遣與人若不裁  
割縫作衣若不線拼若不淨施若不遣與人  
至三十一日明相出尼薩耆波夜提此尼薩  
耆應捨與僧若衆多人若一人不應別衆捨  
若捨不成捨突吉羅捨與僧時當往僧中偏  
露右肩脫革屣向上座禮右膝著地合掌作  
如是白

大德僧聽我某甲比丘有尔所衣過尔所日  
犯捨墮我今捨與僧捨已當懺悔受懺人當

作白大德僧聽此某甲比丘有尔所衣過尔  
所日犯捨墮今捨與僧若僧時到僧忍聽我  
受某甲比丘懺白如是作如是白已然後受  
懺當語彼人言白責汝心彼荅言尔僧應即  
還此比丘衣白二羯磨應如是與僧中應差  
堪能羯磨人如上當作如是白大德僧聽此  
某甲比丘有尔所衣過尔所日犯捨墮今捨  
與僧若僧時到僧忍聽持此衣還某甲比丘  
白如是大德僧聽此某甲比丘有尔所衣過  
尔所日犯捨墮今捨與僧僧今持衣還此某  
甲比丘誰諸長老忍僧持此衣還此某甲比  
丘者默然誰不忍者說僧已與彼某甲比丘

衣竟僧忍故默然如是持若僧中捨衣竟不  
還者突吉羅還時若有人教言莫還者突吉  
羅若不還轉作淨施若遣與人若持作三衣  
若作波利迦羅衣若故壞若燒若作非衣若  
數數著壞者盡突吉羅比丘尼尼薩耆波逸  
提式叉摩那沙彌沙彌尼突吉羅是謂爲犯  
不犯者若十日內同衣足若裁割若線拼若  
縫作衣若同衣不足至十一日同衣足應裁  
割若線拼若縫作衣若淨施若遣與人乃至  
二十九日亦如是至三十日若足若不足若  
同衣若不同衣即日應裁割若線拼若縫作  
衣若淨施若遣與人不犯若奪想若失想燒

想漂想不裁割不線拼不縫作衣不淨施不  
遣與人  
不犯若奪衣若失衣若燒衣若漂衣  
而取著若他與著若作被不犯若受寄衣比  
丘命終或遠行或休道或被賊或為惡獸所  
害若為水所漂若不裁割不線拼不縫作衣  
不遣與人  
不犯不犯者最初未制戒癡狂心

亂痛惱所纏三竟

今時佛在羅閱城迦蘭陀竹園中時有女人  
名蓮華色其父母嫁與鬱禪國人後遂懷妊  
彼欲產還父母家產一女顏貌端正彼蓮華  
色與其女共在屋內時蓮華色夫與蓮華色  
母私通時蓮華色有婢見之便語蓮華色蓮

華色聞已內自思惟咄云何女與母同一夫  
何用女人身爲即捨抱上女著屋內而去往  
至波羅柰城住城門外立身蒙塵土徒跣足  
破時城中有長者其婦命終乘車將從出波  
羅柰城至園遊看見此蓮華色在門外立顏  
貌端正而身蒙塵土徒跣破足便繫意在彼  
即至女前問言汝屬誰蓮華色報言我無所  
屬長者復問若無所屬能爲我作婦不荅言  
可尔即呼上車同載而歸爲婦後於異時蓮  
華色夫大集財寶從波羅柰往至鬱禪國治  
生時值彼國童女節會戲笑之日蓮華色所  
生女著好服飾亦在其中此女端正長者見

之即繫念在心便問傍人此是誰女報言此  
某甲女復問住何處荅言在某處復問在何  
街巷荅言在某巷長者復問其家門戶何向  
荅向某處即往某家問父言此是汝女耶荅  
曰是我女復問能嫁與我不報曰可尔長者  
問索幾許物耶其父報言與我百千兩金即  
便與之其父更莊嚴其女從鬱禪國還至波  
羅柰時蓮華色遙見便作所生女想視之此  
女見蓮華色亦作其母意視之遂久狎習蓮  
華色與女梳頭問言汝是何國人誰家女耶  
荅言我是鬱禪國人復問家在何處在何里  
巷門爲那向父爲是誰其女報言我家在某



處里巷某處門向某處父名某甲復問汝母  
何姓女報言我不識母但聞人言母名蓮華  
色少捨我去時蓮華色心自念言此即是我  
女便自怨責咄何用女人身爲云何今日母  
子復共一夫即捨彼家而去往至羅閱城迦  
蘭陁竹園卽時世尊與無數大衆圍遶說法  
遙見世尊顏貌端正諸根寂定得上調伏如  
調龍爲如水澄清無有塵穢見已發歡喜心  
至世尊所頭面禮足在一面立時世尊漸爲  
說微妙法說施持戒生天之福呵欲不淨讚  
歎出離復說四諦苦集盡道具足分別時蓮  
華色卽於座上得法眼淨譬如新淨白氎無

有塵垢易以為色蓮華色得法清淨亦復如是見法得法得成果證前白佛言願世尊聽我出家於佛法中修清淨行佛告阿難汝將此蓮華色到摩訶波闍波提所令度之阿難即受佛教將詣摩訶波闍波提所語言世尊有教令汝度此婦人即度令出家彼於異時思惟日進逮得阿羅漢有大神力時有衆多比丘尼在空閑處住時蓮華色比丘尼別在一林中坐思惟蓮華色住處有賊師常在中住蓮華色比丘尼執持威儀禮節庠序彼賊見已即生善心後異時賊師太得猪肉食噉之餘裹之懸著樹枝言此林中若有沙門婆羅

門有大神力者與之持去而心爲蓮華色比丘尼時蓮華色比丘尼天耳聞聲天眼清淨即見以白氎裹猪肉懸著樹枝上夜過已語式叉摩那沙弥尼汝往彼某處樹上有白氎裹猪肉取來即往取來與蓮華色比丘尼蓮華色比丘尼勅令煖至食時自往耆闍崛山上與諸上座比丘食之時有一比丘著弊故補納僧伽梨蓮華色比丘尼見已發慈愍心即問比丘言大德何故乃著此弊故僧伽梨耶荅言大姊此盡法故弊壞耳蓮華色比丘尼著一貴價僧伽梨語比丘言大德我持此衣與大德大德所著衣可與我不比丘荅言

可尔即脱僧伽梨與比丘彼取比丘弊故衣  
著之後於異時蓮華色著此弊衣往世尊所  
頭面禮足在一面立世尊知而故問言汝所  
著衣何以弊故蓮華色比丘尼即以因緣具  
白世尊世尊告言汝不應如是蓮華色聽汝  
畜持五衣完堅者餘衣隨意淨施若與人何  
以故婦人著上衣服猶尚不好何況弊衣世  
尊以此因緣集比丘僧知而故問彼比丘言  
汝實從蓮華色比丘尼取衣耶荅曰實尔世  
尊以無數方便呵責彼比丘言汝所爲非非  
威儀非淨行非隨順行所不應爲云何從比  
丘尼取衣呵責已告諸比丘言此癡人多種

有漏處最初犯戒自今已去與比丘結戒集  
十句義乃至正法久住欲說戒者當如是說  
若比丘從比丘尼取衣者尼薩耆波逸提如  
是世尊與比丘結戒已諸比丘皆畏慎不敢  
從親里比丘尼取衣佛言自今已去聽諸比  
丘從親里比丘尼取衣何以故若非親里亦  
不籌量不能知可取不可取若好若惡若故  
若新若是親里籌量知有無可取不可取若  
好若惡若新若故自今已去當如是結戒若  
比丘從非親里比丘尼取衣者尼薩耆波逸  
提如是世尊與比丘結戒時祇洹中二部僧  
和衣共分時比丘尼衣比丘錯得比丘衣

已得時比丘尼持衣至僧伽藍中語比丘  
言我持此衣與大德大德衣與我諸比丘報  
言佛不聽我等取非親里比丘尼衣時諸比  
丘以此因緣具白世尊世尊告諸比丘自今  
已去若賀易衣聽欲說戒者當如是說若比  
丘從非親里比丘尼取衣除賀易尼薩耆波  
逸提比丘義如上非親里者非父母親里乃  
至七世非親也親里者父母親里乃至七世  
有親衣者十種如上賀易者以衣賀衣以衣  
易非衣或以非衣賀衣或以若鍼若筒若刀  
若線若小段物乃至一丸藥賀衣若比丘從  
非親里比丘尼取衣除賀易尼薩耆波逸提

此尼薩耆當捨與僧若衆多人若一人不得  
別衆捨若捨不成捨突吉羅捨與僧時當往  
僧中偏露右肩脫革屣向上座禮跏跪合掌  
作如是白大德僧聽我某甲比丘取非親里  
比丘尼衣犯捨墮今捨與僧捨已當懺悔前  
受懺人當作如是白大德僧聽此某甲比丘  
取非親里比丘尼衣犯捨墮今捨與僧若僧  
時到僧忍聽我受某甲比丘懺白如是白已  
當受懺當語彼人言自責汝心彼荅言尔僧  
應即還此比丘衣白二羯磨應如是與僧當  
差堪能羯磨人如上當作如是白大德僧聽  
某甲比丘取非親里比丘尼衣犯捨墮今捨

與僧若僧時到僧忍聽還此比丘衣白如是  
大德僧聽此某甲比丘取非親里比丘尼衣  
犯捨墮今捨與僧僧今持此衣還此某甲比  
丘誰諸長老忍僧持此衣還此某甲比丘者  
默然誰不忍者說僧已忍與彼某甲比丘衣  
竟僧忍故默然如是持若於僧中捨衣竟不

肯還者突吉羅還時若有人教莫還者突吉  
羅若轉作淨施若遣與人若自作三衣或作  
波利迦羅衣若故壞若數數著壞盡突吉羅  
比丘尼突吉羅式又摩那沙彌沙彌尼突吉  
羅是謂爲犯不犯者從親里比丘尼邊取衣  
若賀易爲僧爲佛曷取者無犯無犯者最初



未制戒癡狂心亂痛惱所纏

四竟

尔時佛在舍衛國祇樹給孤獨園時尊者迦  
留陀夷顏貌端正偷蘭難陀比丘尼亦復端  
正迦留陀夷繫意在偷蘭難陀偷蘭難陀亦  
繫意在迦留陀夷時迦留陀夷乞食時至著  
衣持鉢到偷蘭難陀比丘尼所在前露形而  
坐比丘尼亦復露形而坐各各欲心相視迦  
留陀夷尋失不淨汗安陀會偷蘭難陀見已  
語言大德持此衣來我欲爲浣即脫衣與之  
偷蘭難陀比丘尼得此衣已即於屏處以爪  
拏取不淨著口中復以少許著小便道中後  
遂有身諸比丘尼見已語言汝無慚愧作不

淨行荅言大姊我非無慚愧不犯淨行諸比  
丘尼言汝若不犯淨行何故有身諸比丘尼  
不犯淨行者何不有身時偷蘭難陀即具說  
因緣諸比丘尼聞中有少欲知足行頭陀樂  
學戒知慚愧者以此因緣嫌責迦留陀夷云  
何尊者乃與偷蘭難陀比丘尼作如是事時  
比丘尼白諸比丘諸比丘往白佛佛令時以  
此因緣集諸比丘知而故問迦留陀夷汝審  
與偷蘭難陀比丘尼有如是事不荅言實令  
佛以無數方便呵責迦留陀夷言汝所爲非  
非威儀非淨行非隨順行所不應爲云何乃  
與偷蘭難陀比丘尼作如是事呵責已告諸

比丘言此癡人多種有漏處最初犯戒自今  
已去與比丘結戒集十句義乃至正法久住  
欲說戒者當如是說若比丘今比丘尼浣故  
衣若染若打尼薩耆波逸提如是世尊與比  
丘結戒後諸比丘各各有畏慎不敢令親里  
比丘尼浣故衣若染若打佛言聽諸比丘今  
親里比丘尼浣故衣若染若打自今已去當  
如是說戒若比丘今非親里比丘尼浣故衣  
若染若打尼薩耆波逸提比丘義如上非親  
里亦如上說親里者亦如上說故衣者乃至  
一經身著衣者有十種如上若比丘今非親  
里比丘尼浣故衣若染若打三尼薩耆波逸

提語使浣染打彼浣染不打二尼薩耆波逸  
提一突吉羅語使浣染打彼浣不染而打二  
尼薩耆波逸提一突吉羅語使浣染打彼不  
浣而染打二尼薩耆波逸提一突吉羅語使  
浣染打而不浣染打三突吉羅若比丘使非  
親里沙弥尼式叉摩那浣染打故衣突吉羅  
若使非親里比丘尼浣染打新衣突吉羅此  
尼薩耆當捨與僧若衆多人若一人不得別  
衆捨若捨不成捨突吉羅捨與僧時應往僧  
中偏露右肩脫革屣向上座禮右膝著地合  
掌如是白大德僧聽我某甲比丘使非親里  
比丘尼浣染打故衣犯捨墮今捨與僧捨已

當懺悔前受懺人當作是白大德僧聽某甲  
比丘使非親里比丘尼浣染打故衣犯捨墮  
今捨與僧若僧時到僧忍聽我受某甲比丘  
懺白如是白已然後受懺當語彼人言自責  
汝心報言尔僧應即還此比丘衣白二羯磨  
應如是與當老堪能羯磨人如上作如是白

大德僧聽此某甲比丘使非親里比丘尼浣  
染打故衣犯捨墮今捨與僧若僧時到僧忍  
聽持此衣還某甲比丘白如是大德僧聽此  
某甲比丘使非親里比丘尼浣染打故衣犯  
捨墮今捨與僧僧今持此衣還此比丘誰諸  
長老忍僧持此衣還此比丘者默然誰不忍

者說僧已忍與彼某甲比丘衣竟僧忍故默  
然如是持是比丘僧中捨衣竟不肯還者突  
吉羅當還時有人教言莫還者突吉羅若不還  
轉作淨施若遣與人若復自作三衣若作波  
利迦羅衣若燒若故壞若數數著壞盡突吉  
羅比丘尼突吉羅式又摩那沙弥沙弥尼突  
吉羅是謂爲犯不犯者與親里尼故衣浣  
打若病浣染打若爲僧佛畱浣染打若借他  
衣浣染打者不犯不犯者最初未制戒癡狂  
心亂痛惱所纏

五竟

得長

丈下音

迦締

知下反

舜

楚反

識

蘇反

翹

渠反

賀

莫候反

曬

所賣反

乾瘠

消下音

敞露

兩上反

輦輿

力上

預展

二反下音

余

儲

除音專

肘

知反

漲漲

向二反

輿

知力

浣

二伴反

携

捺

二代反

奴

徒跣

典下先反

逮逮

音二代同

正下

賊帥

類下

所

鍼針

林二反

之

爪拞

下上古八反

巧友

友反

人

人

人

人

人

人

人

人

人

人

人

人

